

## 7-D14-Eg ليه عايز تشتغل في شركتنا؟

- a - أهلاً وسهلاً
- b - أهلاً بِحَضْرَتِكَ يا أفندم.
- a - تفضّل. حَضْرَتِكَ الأستاذ طارق عبد الحميم، مُش كِدا؟
- b - أيوى.
- a - درست فين يا أستاذ طارق؟
- b - أنا درست بجامعة مصر الدولية. وتخرجت من سبعة سنين من  
كلية التجارة، قسم إدارة الأعمال.
- a - و بعد كدا، عملت ايه؟
- b - اشتغلت شوية بشركة تليفونات. بعد كدا اشتغلت ببنك. لكن  
مكنتش مَبْسُوط في الشغل.
- a - ليه؟ الشغل كان كثير؟
- b - بالعكس. في الحقيقة مكانش في شغل. وكمان المرتب مكانش  
كويس.
- a - وعاوز تشتغل في شركتنا ليه؟ على شان المرتب أحسن؟
- b - بالعكس. أنا بحب الشغل قوي. وكمان سمعت كلام كويس جداً  
عن شركتكم من زميل ليّ في الجامعة، موظف هنا عندكم في الشركة.

- a - وزميلك دا, اسمه ايه؟  
b - اسمه أَخْمَدُ الكَيْلَانِي.
- a - مممم. أستاذ أحمد دا موظف ممتاز. وإنت يا أستاذ طارق،  
بتعرف لإنجليزي كويس؟  
b - أنا درست إنجليزي في الجامعة، وبقري إنجليزي كويس. بس  
محتاج كورس في الكلام.
- a - تشرفنا يا أستاذ طارق. وخير إن شاء الله.  
b - طيب، وأيمتى مُمكن أسمع منكم إن شاء الله؟  
a - بعد أسبوعين ثلاثة إن شاء الله.  
b - طيب. إن شاء الله. بعد إذن حضرتك.  
a - مع السلامة.  
b - مع السلامة أفندم.